

S (720)
5/12

100 | Sekonyela war it' Thaba Bosiu. G.B. Molefe $\frac{1}{3}$
31-850

Copy

Tlōkwa

K 31/12

pp. 1-3. Ntoa ea Sekonyela Thaba-Bosiu.

1. Ha Letsie le Mohato bara ba Moshoeshe o na romele Khoho ntata Mathata, ho Sekonyela, morena oa Batlokoa hore a boelle hore Moshoeshe o ea koana ha Kobo ho ea batlela bashanyana ba mophatong likobo tsa ho tsoa, ka ha e ne e le moetlo oa Basotho. Joale Moshoeshe o na batla hore a tsamace le Sekonyela. Eitse Sekonyela a e-so ho arabe, batho ba hae ba araba ba re, ha Kobo ke hole-hole ba ea tseba, moo e reng ere mohleng ba ne ba ile teng ba shoa ke tlala, e mong oa bona a ba a alima ntja ho mora Motonosi e leng Motlokoa, ba e ja. Joale he ba se ba tsaba.
Hoba Moshoeshe a utloa, a re ho Khoho a boele hape a re ho Sekonyela ha a sa tsoelle a sale a bona ka hae a binela Mohato hoba o na a ratuoa haholo. Raba Moshoeshe o ea tsamaca, ra na be eitse mohla ntoa ea lipitsana, Mokakailane, hoba ntoa e loane, a thoba ho Sekonyela a ea kena ho Moshoeshe, a re a mo thole o batla khotso. Moshoeshe efela a mo amohela a mo isa ka lapeng habo Kali. Joale mohleng oo, ha
2. Moshoeshe a ea ha Kobo, eare hoba Mokakailane a utloa hoba Sekonyela o hanna ho ea ha Kobo, a re oa kula, o jeoa ke mala.
Hoba Moshoeshe a tsamaca, Mokakailane a thoba Thaba-Bosiu a ea ho Sekonyela a re likhomo li setse le magheku le basali, Moshoeshe o ile mophatong. Tseo ha li fihla ho Sekonyela a tloha Joala-Bohlo. Eitse ha

K31/12

bošiu bo oela fatše a nyoloha thaba-Bošiu.

Malom'a Moshoeshe, Ratsiu, a hlabela sechaba mokhosi. Kobo tsa Batlokoa li ne li setse moo mora ntoa ea Segiti, moo ho ileng ha hlongoa motše oa Masopha, morena (ntatae moholo oa Alex Masopha, ke batho ba mali bao. Ba ne ba bulele makhomo masakeng, ha hatjoa le basali, mafuma-hali bo-'Mamohato ka bo-'Masekhonyana.

Habo Mohato ho no ho le teng sethala seo Moshoeshe a neng a hloela ho sona ho etsetsa hore a phahamele batho pitsong, hobane ba ne ba eba bangata ka mokhoa o makatsang. Sekonyela o na a hloelle ka holim'a sona a etsisa Moshoeshe

3. ha a bua a na a hlapanya ka 'Mamile, khaitsetli ea Moshoeshe. Se seng ~~se~~ sehlopha sa Sekonyela se ne se kene mophatong. Bashanyana ba ne ba balehe le likhomo tseo ba neng ba lihlama, hoba ho no ~~ho~~ le teng tlala e kholo. Bashemane ba ne ba phela ka mokopu-ntja. Ba theoha noka eo ho thoeng ke Phutiatsana. Ritse hoba ba bone hore Batlokoa ba ba setse morao, Mohato a nehela bashanyana le mesuo. Batlokoa ba ne ba hloae. Ritse hoba bashanyana ba thusoe ke mokhosi ~~oa Sekonyela~~ o mong o nong o fihle ba qhalana Batlokoa. O mong mokhosi oa Sekonyela oa na oa kena Mlakholo ea Makhabane. Khomo tsa Makhabane li ne li hatjoe. Monna e mong oa hlakore la ka ha Makhabane o na a bolae Motlokoa e mong. Mohla Batlokoa ba boeang ba tsoa ka khalo la ha Rahebe. Ba bang ba ne ba nyolohela ka holimo ho Sekonyela ba 'molella hore ba se ba felile. Ha

Sekonyela a utloa tseo a theoha Thaba-Bosiu a thiba makhomo a ea tsoa ka khoro ea ha Raputhu. Mekhosi ea Ratsosane le e mong ea thiba likhomo ka mose ho Phuthiatsana.

4. Sekonyela a re ho basali ba neng ba hapi-
loe ba tsoele pele, pitse ha Batlokoa ba neng
ba tsoile ka lekhalo la ha Rahebe ba kopana
le 'Mabathoane le Shele Giloane moo ho ileng
ha fihlela Baphuthi. Batlokoa ba ne ba hlole.

Moo mekhosi ea Moshoeshe le ea Sekonyela
e seng e kopane teng kaofela, Sekonyela a re
'Mamohato a tle ho eena. Mphi ea Moshoeshe
eitse ha e bona Mofumahali, Mamohato,
a le haufi ea loana ka matla ba ba ba
qhalana Batlokoa eaba basali ba fumana
sebaka sa ho kheloha ba lula fatse. Tsa
na tsa thijoa kaofela likhomo. Batlokoa
ba ne ba balehe ho ea fihlela Sefikeng.
Mokakailane eane a neng a hlabele Batlo-
koa mokhosi o ile a ka a tsoaroa behaheng
la Songoane, ba 'motsa hore ho entse joang
ha a ntse a baleha le Batlokoa. Ba neng
ba tseba ketso ea hae, ha ba fihla ba 'molaea.

Empa e ne e re mokha Moshoeshe a
fihlang a ntse pholo tse 'ne, a roma Khoho
hore a li ise ha Sekonyela. A re ho Khoho
a tle a re ho Sekonyela o maketse ha a fihla
mophato o chele, a le a botse hore mophato
o chesitsoe ke eng, e ne e fele ka kae ho
Sekonyela. A na a soaba a oma mathe
ea ka Khoho e ponngoe molomo, a hloka
Karabo.

(Copy by Monareng)

W